

養蠶秘訣

一名養蠶總訣

AL

438.3
110

春

霖

親

融

養蠶秘訣

錫山張文藝書

一選種 預於本年大眠開葉時。揀蠶之身長體實。頭小色顯。食葉在葉底打洞者。挑選若干。男婦養開。上山亦另行上開。其繭必好。凡繭之堅硬緊小者。爲雄。圓滿厚大者。爲雌。揀繭須雌雄各半。否則雌多雄多。必多丟棄。用繭種草粘上。掛在當風透亮處。至十三四。五日出蛾。出蛾日務必早起。雄蛾在三更已出。一見亮光卽動。易損翅毛。早起須在五更時。一人執

火一人捉之。置新糊紙篋中。蛾之腹小而善動者爲雄。腹大而不動者爲雌。又有一種油光滿身。名油蛾。并翅足不全者。貼去不用。將雌雄兩種安置一處。待其交搆已牢。另爲提開。置空篋中。篋須另糊新紙。每三眠篋只可放七十對。每二眠篋只可放四十對。務必稀疏勻整。切忌挨擠。須用人看守其交而復脫者。隨時配對。約計五個時。爲之折開。早對早拆。晚對晚拆。將雌者置舊布上。蠶子布宜用舊布。不宜新布。不

宜過大。以尺方爲度。每蛾一只。約離兩指許。爲生子地。步已經生滿。將生疊子者。爲捉置布之空處。布須攤平。箒中或須貼着壁上。其蹲不牢而跌下者。必無力之蛾。生子必不佳。可貼去。再有生子側而不平。或堆疊不分者。亦無用。可隨手攙去。蛾亦去。去布之空缺處。須補滿之。出蛾約計三朝。第一朝爲報蛾。第二朝爲最多。至三朝而完。一朝有一朝之蛾。凡隔宿之蛾。與交過之蛾。切不可用。其無對偶者。皆貼去不用。

倘少雄蛾與人交換其種在一家養出者可以配對。其在兩家養出者不可配對。以蠶性不同也。蠶之好壞第一在選種。選種不佳。以後諸病百出矣。切記切記。倘或本年自己蠶不好。不能留種。須要向他人購換者。須看其一路無走失。撈底乾淨。無甚水漬。桑渣內無腳蠶。上山後無白殭爛。澹之蠶者。方可選種。再者。約大眠開葉。至上山對中時。或兩朝或三朝。蠶發肥顯之色。方可留種。倘有灰黯色者。其種必無可揀。

矣

一培種 平日將蠶子布懸掛當風處。一切燒紙錢煎藥熬油烟臘香氣直冲者宜避。偏者無妨。待冬至後三九內。用板刷將蠶子布上灰塵刷去。然後置屋上。任其風雨雪霜暴露。以七日爲度。露好仍置原處。至明年清明前後數日。仍用板刷刷去灰塵。將舊棉絮薄薄包好。約在穀雨前數日。再加厚絮。日間置衣被中。如人着棉衣。子布放於被下。人着夾衣。子布放

於被上夜間置衣團下被頭上。最宜用心。不可重壓。天時寒熱不同。以此爲度。五六日後子已轉色。滿十日纔出。報頭蠶早出。恐其不佳。視蠶出四五成。俟天日晴明。拿出攤在近日光處一照。則一齊俱出矣。至陰雨寒重日。雖出蠶四五成。卽緩兩三日不妨。但不可仍放被頭上。衣團下。只宜薄薄包好。在未出數日前。預採野栗花葉子。晒乾碾細。至收蠶日。將碎葉糝在子布上。俟蠶到野栗花葉子上。用雞毛長翎刷下。

可用大蒜葉一根置其旁以經鍊其鼻以後不至聞
臭而壞再收蠶必看桑樹放葉早晚如桑葉有洋錢
大發青綠色方可收蠶倘過早則葉色尙黃葉味必
苦小蠶吃之必多病變倘桑芽爲霜打去卽將子布
舊棉包裹安放涼處待桑樹再發青葉如前法催出
可也

一飼葉 初收小蠶時約到一二時小蠶爬在野栗
花葉上面齊集將嫩桑葉切成細絲輕輕糝上小蠶

繅葉宜薄宜勻。宜多次數。飼一次切一次。不可多切。恐其乾也。採葉須大而嫩者。置筐中。上用帶潮手巾蓋之。每日切葉刀。須每日磨一次。每切一次。須草紙擦一次。缸盆砧頭。每用一次。須用手巾揩極乾淨。手巾每日須洗兩次。却不可用洋肥皂等物。逐漸切粗。至二眠後。可用圓圖葉。將葉撕開單片勻攤。至三眠後。并不必撕開。至大眠後。須厚攤一層。以勻爲要。最好俟食葉先白之處。以葉補之。謂之飄白。蕩蠶有稀。

密密者先白。補之則勻矣。葉有四忌。一忌泥污。一忌氣水。一忌乾枯。一忌發熱。食之皆足害蠶。剪葉在早晚兩時。早在日高數丈。露水將乾。晚在日斜西嶺。熱氣退盡。倘晝午乏葉。不能待晚。必擇背陰處剪之。其泥污葉。採時貼去。剪葉之法。桑剪須快。以右手執剪。左手執桑。用力趁脆一剪。不可使桑皮開損。上下高低必一樣齊平。將葉之法。以兩指作圓圈。靠桑稍順手捋下。桑葉不可捋碎。頭上青條另行摘下。或天落

黃沙。用舊布將葉上黃沙揩淨。然揩則葉易爛熟。吃口不爽。最妙以桶水在樹上澆潑之。黃沙卽隨水流去。待乾剪下。大眠不能用此等法。飼葉須勤。多飼數次。隨他亦不妨。置葉之法。如在地上。用蘆蓆等襯好。翻成麥鱗頭樣。不可當風。當風則乾枯。不可壓悶。壓悶則有氣水。置缸中。與棧條中亦須翻鬆。挖一窖。上用未糊紙之蠶箔蓋之。可免乾枯氣水之患。倘葉在別處剪歸。在担中積壓。每行五里路。擇樹陰下歇定。

翻鬆一次。如逢天雨葉潮。用繩作架。將連枝桑葉架
上吹乾。或豎在當風處亦可。惟大眠二三朝時。不妨
潮葉。飼葉時吃水旱烟人。須用水盆將手洗淨。蠶擡
上必須用乾淨潮布一塊。以備揩手。以免烟屑遺人。
致害乎蠶。

一起眠 蠶之變端。在起眠時。其不眠者。俗所謂鬚
頭。提鬚頭之法。見眠頭後。天煖五六時。天寒一晝夜。
將桑葉單層攤上。其仍食葉在葉上者。連桑葉提開。

另器安置。其色清秀。身雖小而結實者。有用。待其眠。再提可也。其身小而軟。色黃滯。身浮腫者。棄之。蠶之初收時。細如蠨蛸。身上有毛。三四日而頭白。身光。六七日而頭眠矣。眠時不食。葉上有淡紅點。小時亦可辨。見眠頭後。約六七成。必先替簍。桑渣中眠蠶。約三四成。先上礬糠灰。其替出之蠶。約兩三次。葉必能眠。齊亦用礬糠灰。糝上一處。分爲兩處。礬糠灰先置地上。拔清火氣。篩去細者。用其粗者。天寒多糝。天熱

少糝一二朝後起身。必將桑渣折鬆。其嘴必烏。必俟
無一條白嘴者。方可開葉。開葉宜晚不宜早。下晝晚
間不可開葉。卽使起身齊集。緩至明日上晝不妨。本
日必須替去灰糝。二眠照前法。頭二眠時。拾蠶必須
細心。灰糝中宜細心搜尋。蓋小蠶無好壞也。三眠大
眠時。須剔盡桑渣。捉光蠶。秤之用乾淨糝。安置。捉三
眠。每大號糝只眠三斤。捉大眠。每大號糝只眠五斤。
切忌新糝新僵。預用桑渣晒乾。只剩桑筋。將起身之

蠶圍住。防其升散。開葉時用稻柴心數十根橫豎放
上。然後攤葉。則蠶沙蠶壳糞糠灰自然隔斷。倘或天
時陰寒。人著重棉。必將蠶檯上遮草簾簾箔之類。以
禦寒氣。倘或天晴暴熱。必將窗戶洞開。以招涼氣。眠
時起身時食葉時皆同糝糞糠灰法亦同前。
一替筊。蠶自出後。每日須將桑渣出去。謂之替筊。
又謂之出脚。蠶小時用竹筊一双。將其兩頭削尖。須
磨光滑。蠶簇切忌插在頭上。每日天熱於午前。天寒

於午後。天熱蠶身宜稀。天寒蠶身宜密。將上一層蠶用篥捲過。另置一器中。仍舊攤平。其團圓處。每替一次。宜放大些。蠶身日大。其處亦宜稍寬。其遺落於桑渣中者。用切碎桑葉糝上。待其升上。連桑葉用篥拾過。再有遺落。必年輕眼明人。細細搜尋。小蠶替務時。切忌以鼻氣吹蠶身。宜稍避。或用手遮之。至三眠時。可不必用篥。以手捲之。至大眠時。少養者仍用手指甲宜剪去。恐傷蠶身。多養者另用蠶網。網以苧線結。